



MAEMO A GO NEEA TIRELO

Re itlama gore re tla diragatsa ditekanyetso tse di latelang mo go neela ditirelo tsa rona:

- Go neela badirisi ba rona metsi ka dinako tsotlhe.
- Badirisi botlhe ba ba etelang diofisi tsa rona ba tla thusiwa mo metsotsong e le lesome (10) fa ba sena go goroga.
- Badiri ba rona ba tla itshupa sentle le go tshwara ba re dirang le bone ka maitseo le tlotlo.
- Re tla dirisana le badirisi botlhe ba ba nang le mathata ka tsela e e nang le matswela, e e ikanyegang le e e siameng.
- Dingongorego/dipotsiso tsotlhe di tla sekasekwa mme tshwetso e tla itsisiwe mo malatsing a le lesome (10) a tiro go tloga ka letlha le di amogetsweng ka lona.
- Makwalo otlhe a poso a tla arabiwa/amogelwa mo malatsing a le lesome le bone (14) a tiro morago ga go amogelwa.
- Fa go kgotsofadiwa ditlhokego tsa tlamelo ya ditirelo diforomo di tla tlhomamisiwa mo malatsing a le masome a mabedi le bongwe (21) a tiro morago ga go neelwa ga ditokomane tse di nepagetseng le tse di feletseng.
- Go tsibogela mathata a tlamelo ya metsi mo diureng di le masome a supa le bobedi (72) morago ga kitsiso.
- Go netefatsa gore dimetara tsotlhe di a balwa le gore mongwe le mongwe yo re berekang le ene o amogela sekoloto sa gagwe mo malatsing a le matlhano (5) morago ga go se amogela.
- Go tlhomamisa gore go tsenngwa ga metsi gape go dirwa mo malatsing a le mararo a tiro morago ga gore modirisi a diragatse maikarabelo a gagwe.

MAIKARABELO LE DITSHWANELO TSA ZINWA

Setheo sa Naga sa Metsi sa Zimbabwe (Zimbabwe National Water Authority):

- E ikarabelela mo setšhabeng sa Zimbabwe.
- E tshwanetse go ntsha metsi a a tsamaelanang le Maemo a a kwa Tlase a Mokgatlho wa Lefatshe wa Boitekanelo (World Health Organisation).
- Ga a dumalane le go tsietsa, go tshwara motho mongwe kana setlhopha sengwe botoka go na le ba bangwe le go tllaola ba bangwe.
- E amogela dikarabo go tswa go bao re dirang le bone tse di tsewang di le botlhokwa thata ka gonne re di dirisa jaaka sesupo sa tiragatso ya rona kgatlhanong le maemo a rona a tirelo.
- E tshwanetse go dira ditiro tsa yona ka botswerere, ka tlhoafalo le ka maitseo.
- Badirisi ba na le tshwanelo ya go bua le leloko la maemo a a kwa godimo la badiri kgotsa tlhogo ya lefapha le ba dirisanang le lone.
- Re ineetse mo go neela tshedimosetso ya badirisi e e akaretsang go dira gore tshedimosetso e e maleba e nne teng mo bathong ba re dirang le bone, ka molomo, ka dikgatiso le ka didirisiwa tsa dijithale le ka dipampitshana, diphousetara le didirisiwa tse dingwe tse di maleba.

MAIKARABELO LE DITSHWANELO TSA BA RE BEREKANG LE BONE

Jaaka batho ba re dirang le bone, ZINWA e solofetse gore:

- Go nna le ditlankana tse di maleba tse di amanang le tiriso ya metsi.
- Go Duela Dikoloto tsa Metsi ka Nako.
- Go emisa mekgwa yotlhe ya tsietso mo ditirisanong tsotlhe le badiri ba ZINWA. Go mo dikgatlhegong tsa gago go bega ditiro tsa boferefere tse di dirwang ke badiredi le mongwe le mongwe wa setšhaba.
- Go tshwara badiri ba ZINWA ka maitseo le tlotlo.
- Go netefatsa gore ditlhaeletsano tsotlhe tse di kwadilweng, tse di akaretsang dingongorego le dikopo di tsamaya mmogo le ditokomane tse di maleba le bosupi.
- Go neela ZINWA dintlha ka ga diphetogo mo seemong sa diakhaonto tsa gago ka bonako fela fa di diragala.
- Go tlhomamisa gore dikarolo tse di tsamaisang metsi tse di jaaka dimetara di bolokiwa sentle.
- Go latela ditlhokego tsotlhe tsa semolao le go tlogela tiriso e e seng ka fa molaong ya metsi.
- Go dirisa metsi sentle.
- Go tlhokomela mogala wa tirelo o o neng o le ka kwa ga mmitara wa metsi